

Aalisarnerit aalisarnermi pisassiissutit niuerutigineqarsinnaasut pillugit aaqqissuussamiittut pillugit Namminersorlutik Oqartussat nalunaarutaat (PNNP pillugu nalunaarut)

Aalisarneq pillugu Inatsisartut inatsisaanni nr. 29, 23. maj 2024-meersumi § 15, nr. 1–5, § 17, imm. 1, § 18, imm. 1
aamma 2, § 25, imm. 3, 2. imm., § 27, imm. 1, § 28, stk. 2, § 29, imm. 4, § 30, imm. 3, § 40, imm. 4, § 41, imm. 3, aamma §
68, imm. 2, naapertorlugit uku aalajangersarneqarput:

Kapitali 1

Atuuffissaa nassuiaatillu

Atuuffia

§ 1. Nalunaarut Kalaallit Nunaata aalisarnermut oqartussaaffiani pisassanik aalisartartunut aamma pisassiissutini
niuerutigineqarsinnaasunik aaqqissuussami ilaasunut atuuppoq.

Nassuiaatit

§ 2. Nalunaarummi matumani uku ima paasineqassapput:

- "Aalisarneq pillugu inatsit": Aalisarneq pillugu Inatsisartut inatsisaat.
- "PNNP naapertorlugu -aalisarneq": Aalisarnermut inatsimmi kapitali 7-imi aalisarneq pineqartoq.
- "PNNP-mik aaqqissuussaq": aqutsiffusoq aalisarnermut inatsimmi kapitali 7-imi pineqartoq.
- "Aqutsiveqarfik 47": Imartaq Kalaallit Nunaata Kitaani tunngaviusumik killeqarfiup tungaanut 3 sømilit
iluanniittoq, kujammut avannarpasissuseq 68°30'N-imi avannamullu avannarpasissuseq 75°00'N-imi taakkualu
kangerluttaanni killeqartinneqartoq.
- "Ukioq pisassiiffusoq": Piffissaq ukiumut pisassiissutini aalisarnissamut akuersissummut tunngasoq.
- "Aalisarnermi paggatassiineq": Paggatassiilluni aalisarnissamut akuersissummi tunniunneqartumi aalisarneq.
- "Pisassat paggatassiissutit": Pisassiissutit ilaat, sinerissap qanittuani qaleralinniarnermut ukiumut
immikkoortinneqartut PNNP-millu aaqqissuussinermut ilaanngitsut.
- "A.t.t.": Angallatip tamakkiisumik takissusaa, angallatip siuta noorpianit aqorpiaanut qeqqa atuarlugu, tukimut,
uuttortarneqartoq (angallatip tamakkiisumik takissusaa).
- "Piffissaq pisassiissutini piginniffusoq": Piffissaq pisassiissutini pigisanik piginnittup pigisamini
qularnaveequsersimaffia.

Imm. 2. Aalisarnermut inatsimmi taaguutitut nassuiaatit nalunaarummi matumani aamma atuupput.

Kapitali 2

Aalisarnerit PNNP-mik aqqissuussamut ilaasut

§ 3. PNNP naapertorlugu aalisagaqatigiinnik ukuninnga aalisarnerit:

- 1) Kalaallit Nunaata kitaani raajarniarneq;
- 2) Tunumi raajarniarneq;
- 3) Kitaata avataani qaleralinniarneq;
- 4) Tunup avataani qaleralinniarneq;
- 5) Immikkoortoq 47-mi sinerissap qanittuani qaleralinniarneq, taamaattoq imm. 2. takuuk;
- 6) Kalaallit Nunaata kitaani saattuarniarneq.

Imm. 2. Imm. 1, nr. 5 aalisarneq pillugu inatsimmi § 28 imm. 3-mi malittarisassat naapertorlugit aalisarnissaminut Naalakkersuisunit nalunaarfigineqarsimasuinnarnut atuuppoq.

Kapitali 3

Pisassiissutinit pigisanik tunniussisarneq aamma naatsorsuisarneq

Raajat

§ 4. Naalakkersuisut 2025-mi raajarniarluni aalisarnermi pisassiissutinit pigisanik aalisartunut, 2024-mi PNNP naapertorlugu raajarniarluni aalisarnermut akuersissutilinnut peqataasunullu tunniussuissapput.

Imm. 2. Pisassiissutinit pigisat qinnuteqaqqaarani imm. 1 naapertorlugu tunniunneqassapput.

§ 5. Kitaani raajarniarluni aalisarnermi § 4 imm. 1 naapertorlugu pisassiissutinit pigisanik naatsorsuineq ima pissaaq, aalisartumut 2024-mi ukiumut pisassiissutit 2024-mi kitaani raajarniarluni aalisarnermut pisarineqarsinnaasunit tamarmiusunit pigisat naatsorsorneqassallutik. Pisassiissutit taakku tamatuma kingorna aalisartup pigilissavai.

Imm. 2. Kitaani raajartassatut pisassiissutinit tamarmiusunit naatsorsuineri sinerissap qanittuani pisassiissutitut immikkoortitat ilaatinneqassapput, soorlu avataani pisassiissutitut immikkoortitat ilanngunneqassasut, imm. 1 takuuk.

§ 6. Tunumi raajarniarluni aalisarnermi § 4 naapertorlugu pisassiissutinit pigisanik naatsorsuineq ima pissaaq, aalisartumut 2024-mi ukiumut pisassiissutit Tunumi raajarniarluni 2024-mi aalisarnermi pisarineqarsinnaasunit tamarmiusunit pisassiissutinit pigisat naatsorsorneqassapput. Pisassiissutinit pigisat aalisartup taakku tamatuma kingorna pigilissavai.

Avataani qalerallit

§ 7. Naalakkersuisut kitaani avataasiorluni 2025-mi aalisarnermi pisassiissutinit pigisat aalisartunut, kitaani 2024-mi avataasiorluni qaleralinniarluni aalisarnissamut akuersissuteqartunut peqataasunullu tunniussissapput.

Imm. 2. Pisassiissutinit pigisat-qinnuteqaqqaarani imm. 1 naapertorlugu tunniunneqassapput.

§ 8. Kitaani avataasiorluni qaleralinniarluni aalisarnermi aalisartut pisassiissutinit pigisaat § 7 imm. 1, naapertorlugu ima naatsorsorneqassapput:

1) aalisartup ukiuni 2019-miit 2023-mut qaleralittarisimasaanik naatsorsuisoqassaaq,
2) Kitaani aalisartup ukiut tallimat ingerlanerini pisaasa ukiuni pingasuni pisaqarfiginerpaasai katinneqassapput aamma

3) aalisartut ataasiakkaat pisisimasaat, nr. 2 naapertorlugu naatsorsorneqartut katinneri, 2024-mi pisarineqarsinnaasunit tamarmiusunit 2/3-tut piginneqataassutitut naatsorsorneqassasut.

Imm. 2. Pisassiissutinit pigisat imm. 1 nr. 3 naapertorlugu naatsorsorneqassapput.

Imm. 3. § 7 imm. 2-mi aalajangersagaq apeqqutaatinnagu Naalakkersuisunut qinnuteqarnikkut 2024-mi TAC-p pingajorarterutaa aalisartumut aalisartunulluunniit arlalinnut nutaanut pisassiissutigineqassapput. Aalisarnermut inatsimmi § 1-im piimasaqaatit aalajangersarneqartut naapertorlugit tunniussisoqassaaq.

Imm. 4. Aalisartut nutaat ukiumi pisassiissuteqarfiusumi pisassiissutinit pigisat aalisarnissaannut periarfissaqanngippata taakku aalisariumannittussarsiuussinerup kingorna aalisartooreersunut tunniunneqarallarsinnaapput.

§ 9. Naalakkersuisut aalisartunut Tunumi aalisarnissaminut 2024-mi akuersissuteqartunut aamma Tunumi avataasiorluni qaleralinniarluni aalisarnermi peqataasimasunut Tunumi avataasiorluni qaleralittassanik pisassiissutinit pigisassaannik 2025-mi tunniussissapput.

Imm. 2. Pisassiissutinit pigisat qinnuteqaqqaarani imm. 1 naapertorlugu tunniunneqassapput.

§ 10. Tunumi avataasiorluni qaleralinniarluni aalisarnermi aalisartut pisassiissutinit pigisaat § 9 imm. 1, naapertorlugu ima naatsorsorneqassapput:

1) aalisartup ukiuni 2019-miit 2023-mut qaleralittarisimasaanik naatsorsuisoqassaaq,
2) Tunumi aalisartup ukiut tallimat ingerlanerini qaleralittaasa ukiuni pingasuni pisaqarfiginerpaasai katinneqassapput aamma

3) aalisartut ataasiakkaat pisisimasaat 2) naapertorlugu naatsorsorneqartut katinneri, 2024-mut pisarineqarsinnaasunit tamarmiusunit piginneqataassutitut naatsorsorneqassasut.

Imm. 2. Pisassiissutinit pigisat imm. 1 naapertorlugu naatsorsorneqartut katinneqassapput. 2024-mi pisassiissutit tamarmiusut aamma naatsorsukkat katinnerisa nikingassutigeratarsinnaasaat naatsorsorneqassapput Naalakkersuisunullu qinnuteqarnikkut aalisartumut ataatsimut arlalinnulluunniit tunniunneqarsinnaallutik.

Aqutsiveqarfimmi 47-mi qalerallit

§ 11. Aalisartunut, Aqutsiveqarfimmi 47-mi sinerissap qanittuani qaleralinniartunut, 2025-mi kingusinnerusukkulluunniit PNNP tunngavigalugu aalisalissallutik kissaateqartut, Naalakkersuisut qinnuteqartut pisassiissutinit pigisanik pisassissinnaavaat.

Imm. 2. Aalisartuq imm. 1 naapertorlugu PNNP naapertorlugu aalisarnissaminut pisussaatitaaffeqanngilaq, kisianni paggatassiissutinit sulii aalisarsinnaavoq. Aalisartuq pisassiissutinit pigisaqartoq pigisaqarsimasorluunniit imaluunniit inuk aalisartup pigisaanik pigisalik pigisaqarsimasorluunniit, Aqutsiveqarfimmi 47-mi paggatassiinerup nalaani aalisartup aalisarnissaminut akuersissutaanik akuersissutigisimasaanilluunniit, akuersissummik tunineqarsinnaanngilaq piginneqataasinnaaniluunniit.

Imm. 3. Imm. 1 naapertorlugu pisassiissutinit pigisanik tunineqarnissamut uku piimasaqaataapput:

- 1) aalisartuq aqutsiveqarfimmi 47-mi ukioq pisassiiviusuq pineqartuq sioqqullugu qaleralinniarluni aalisarnissaminut akuersissuteqarsimassasoq,
- 2) aalisartup nr. 1 naapertorlugu akuersissutini qaleralinniarluni aalisarnermut aamma qaleralinnik tunisinermut atorsimassagaa,
- 3) aalisartup angallat 6 meterinik naannerusoq (a.t.t.) atussagaa, aalisariutit aalisarneq pillugu inatsisip atuutilernerani sinerissap qanittuani qaleralinniarluni aalisarnissamut akuersissuteqarsimammata, taamaattorli angallat 15 meterit sinnerlugit takissuseqarsimanersuq apeqqutaatinnagu aalisariut taanna sulii atorsinnaassavaa aamma
- 4) pisassiissutinit pigisat tamarmiusut paggatassiissutini aalisarnermut sinneruttut, pisassiissutinit pigisanik ukiumut aggersumut tunniussinerup kingorna 5 procentiussasut sinnerlugilluunniit.
Imm. 4. Pisassiissutinit pigisat takuuk imm. 1, nalunaarutigineqartut aqutsiveqarfimmut 47-mut tamarmut atuupput.
Imm. 5. Pisassiissutinit pigisanik tunineqarnissamut qinnuteqaatit Aalisarnermut Piniarnermullu Naalakkersuisoqarfimmit ukioq pisassiissutinit pigisanik tunineqarfissaq sioqqullugu kingusinnerpaamik oktobarip 15-ianni tiguneqareersimassapput.
Imm. 6. Pisassiissutinit pigisat tunniunneqartut ukiumi pisassiiviusumi pineqartumi januaarip aallaqqaataanit atuutissapput.

§ 12. Aalisartup 6 meterinik taassuminngaluunniit naannerusumik aalisariutaatillip PNNP naapertorlugu aqutsiveqarfimmi 47-mi januaarip aallaqqaataani 2025-miit aalisartussap, pisassiissutinit pigisai ima naatsorsorneqassapput:

- 1) aalisartup Aqutsiveqarfimmi 47-mi qalerallit piffissami 2019-imiit 2023-mut pisarisimasai naatsorsorneqassapput,
- 2) aalisartup Aqutsiveqarfimmi 47-mi ukiunit tallimanit ukiut pingasut qaleralinnik pisaqarfignerpaasai katinneqassapput,
- 3) aqutsiveqarfimmi 47-mi paggatassiilluni qaleralittassanik aalisartut piffissami 2019-miit 2023-mut pisarisaat ukiuni pingasuni pisaqarfignerpaat katinneqassapput, kingornalu pisassiissutinit pigisanik, aqutsiveqarfimmi 47-mi pisassiissutinit tamarmiusunit paggatassatut immikkoortinneqartunik gangerneqarlutik, kisitseriaaseq, aamma
- 4) aalisartut ataasiakkaat pisaasa nr. 2 naapertorlugu naatsorsorneqartut katinneri, nr. 3 naapertorlugu pisat katinnerisut naatsorsorneqartut naatsorsorneqassapput.
Imm. 2. Imm. 1 naapertorlugu naatsorsuineq aqutsiveqarfimmi 47-mi tamarmi pisanit aallaaveqassaaq.

§ 13. Aalisartup 6 meterinik taassuminngaluunniit naannerusumik aalisariutaatillip PNNP naapertorlugu aqutsiveqarfimmi 47-mi 2025-p kingorna aalisartussap, pisassiissutinit pigisai ima naatsorsorneqassapput:

- 1) aalisartup aqutsiveqarfimmi qaleralinnik pisai ukiut tallimat pisassiiviusut pineqartut tamakkerlugit nalunaarsorneqartut sioqqullugit naatsorsorneqassapput,
- 2) aalisartup Aqutsiveqarfimmi 47-mi ukiunit tallimanit ukiut pingasut qaleralinnik pisaqarfignerpaasai katinneqassapput,
- 3) aqutsiveqarfimmi 47-mi paggatassiilluni qaleralittassanik aalisartut piffissami 2019-miit 2023-mut pisarisaat ukiuni pingasuni pisaqarfignerpaat katinneqassapput, kingornalu pisassiissutinit pigisanik, aqutsiveqarfimmi 47-mi pisassiissutinit tamarmiusunit paggatassatut immikkoortinneqartunik gangerneqarlutik, kisitseriaaseq, aamma
- 4) aalisartut ataasiakkaat pisaasa nr. 2 naapertorlugu naatsorsorneqartut katinneri, nr. 3 naapertorlugu pisat katinnerisut naatsorsorneqartut naatsorsorneqassapput.

Imm. 2. Imm. 1 naapertorlugu naatsorsuineq aqutsiveqarfimmi 47-mi tamarmi pisanit aallaaveqassaaq.

§ 14. Aalisartut 6 meterinik anginerusunik angallatillit sinerissap qanittuani Aqutsiveqarfimmi 47-mi PNNP naapertorlugu qaleralinniarlutik aalisartussat 2025-mi pisassiissutinit pigisaat Naalakkersuisunit pisassinneqassapput, aalisartoq taakkunannga aalisarnissaminut 2024-mi akuersissutaateqarsimappat aamma aalisaqataasimappat.

Imm. 2. Pisassiissutinit pigisat aalisartumit qinnuteqartitsinani imm. 1 naapertorlugu tunniunneqassapput.

§ 15. Aalisartup, 6 meterit sinnerlugit angissusilimmik angallataatillip 2024-mi sinerissap qanittuani aqutsiveqarfimmi 47-mi, pisassiissutinit pigisanut attuumassutilinnik, qaleralinniarluni aalisarnissaminut akuersissutillip, pisassiissutinit pigisaanik naatsorsuineq ima pissaaq, aqutsiveqarfimmi 47-mi ukiumoortumik pisassiissutit pisassiissutinit pissarsiai pisassiissutinillu pigisaata tunniunneqartunit ilanngarlugit naatsorsorneqassallutik.

Imm. 2. 2024-mi Aqutsiveqarfimmut 47-mut pisassiissutinik tamarmiusunik naatsorsuineri, imm. 1 tak., pisassiissutit ukiumut pineqartumut angallatinut 6 meterinut ataalluguluunniit angissusilinnut aallaqqaammut immikkoortinneqartut aamma pisassiissutit ukiumut pineqartumut angallatinut 6 meterit sinnerlugit angissusilinnut aallaqqaammut immikkoortinneqartut ilaassapput.

§ 16. Kitaani qaleralittassiissutinit tamarmiusunit Aqutsiveqarfimmi 47-mi amerlanerpaanik 2,5 procentit aalisartumut ataatsimut pisassiissutinit pigisassatut tunniunneqarsinnaapput.

Imm. 2. Aalisartup pisassiissutinit pigisai tamarmiusut ukiumut pisassiissutit, ukiumi pineqartumi aqutsiveqarfinni tamani aalisartup pigisaasa katinnerisigut naatsorsorneqassapput. Aalisartup pisassiissutinit pigisai tamatuma kingorna aalisartup Aqutsiveqarfimmi 47-mi ukiumut pisassiissutit tamarmiusut katinneqarnerisa ilaattut inerneqassapput.

§ 17. Aqutsiveqarfimmut 47-mut pisassanik pigisassatut pisassiissutigineqartunit 5 procentit paggatassiilluni aalisarnermut qaqugukkulluunniit immikkoortinneqartassapput.

Imm. 2. Ukiup ingerlanerani paggatassiilluni pisassat 6 procentinik ikinneruppata PNNP naapertorlugu aalisarnissamut akuersisummik aalisalerniartumut nutaamut tunniussisoqarsinnaanngilaq.

Kitaani saattuat

§ 18. Kitaani 2024-mi saattuarniarnissamut akuersissutillit ukiumilu tassani saattuarniartut, Naalakkersuisut pisassiissutinit pigisassanik 2025-mut saattuartassissavaat.

Imm. 2. Pisassiissutinit pigisat aalisartumut qinnuteqartitsinani imm. 1 naapertorlugu tunniunneqassapput.

Imm. 3. Aqutsiveqarfinni tamani pisassiissutinit pigisat nalunaarutigineqartassapput.

§ 19. Saattuarniarluni aalisartunut pisassiissutinit pigisat ima naatsorsorneqassapput:

- 1) aalisartup ukiuni 2020-miit 2024-mut saattuat pisisimasai naatsorsorneqassapput,
- 2) aalisartup ukiut tallimat iluini saattuartaarisimasaasa ukiuni pingasuni oqimaannerpaartaat katinneqassapput, aalisartup ukiunit tallimanit ukiut pingasut saattuanik pisaqarfiginerpaasai katinneqassapput,

3) aalisartut tamarmiusut ukiunit tallimanit ukiut pingasut pisaqarfiginerpaasaat nalunaarsorneqarsimasut ukioq pisassiiviusoq pineqartoq sioqqullugu katinneqassapput, aamma

4) aalisartut ataasiakkaat pisaasa nr. 2 naapertorlugu naatsorsorneqartut katinneri, nr. 3 naapertorlugu pisat katinnerisut naatsorsorneqartut naatsorsorneqassapput.

Imm. 2. Kitaani aqutsiveqarfinni tamani pisarineqarsimasut tunngavigalugit imm. 1 naapertorlugu naatsorsuisoqartassaaq.

Imm. 3. Aqutsiveqarfinni ataatsimi pisassiissutit tamarmiusut piffissami aalisarfiusumi imm. 1, nr. 3-mi taaneqartut tamakkerneqarsimatinnagit imm. 1 naapertorlugu naatsorsuineri peruserineqartoq atorineqartassanngilaq. Pisuni taakkunani aalisartut ataasiakkaat pisassiissutinit pigisaat pisarineqarsinnaasut tamarmiusut ilaattut naatsorsorneqassapput.

Imm. 4. Naalakkersuisut pisassiissutinit pigisat ukiumoortumillu pisassiissutit pillugit 2025-mi inaarutaasumik februaarip qiteqqunnerani nalunaaruteqassapput.

Imm. 5. Pisassiissutinit pigisat aalisartunut pisassiissutaanngitsut, Naalakkersuisunit pineqartassapput aamma §§ 24 aamma 25 naapertorlugit aalisariumannittussarsiuunneqartassapput.

§ 20. Aalisartup kitaani ukiumut akuerisaasumik saattuanik tamarmiusunit pisarineqarsinnaasai, TAC, amerlanerpaamik 17 procentiupput.

Imm. 2. Aalisartup pisassiissutinit pigisat tamarmiusut ukiumut pisassiissutit, ukiumi pineqartumi aqutsiveqarfinni tamani aalisartup pigisaasa katinnerisigut naatsorsorneqassapput. Aalisartup pisassiissutinit pigisat tamatuma kingorna aalisartup kitaani ukiumut akuerisaasumik pisarineqarsinnaasut, TAC, pisassiissutit tamarmiusut katinneqarnerisa ilaattut inerineqassapput.

Imm. 3. Aqutsiveqarfinni ukiumut akuerisaasumik pisassiissutit, TAC, tamarmiusut allanngortinneqarnerini aalisartup pisassiissutinit pigisat imm. 1-mi pisassiissutit amerlanerpaaffissaattut allassimasunit amerlanerulersimatillugit, pisassiissutinit pigisat sinniisut tunineqarnissaannik piumasaqaat ukiunik tallimanik kinguartinneqassaaq, tamatumalu kingorna aalisarneq pillugu inatsimmi pisassiissutinit pigisat pinngitsaaliisummik nuunneqarnissaannut malittarisassat atuutilissapput.

Kapitali 4

Pisassiissutinit pigisanik kaaviiaartitsineq pinngitsaaliisummillu tuniniaasitsineq

Aalisartut akornanni kaaviiaartitsineq

§ 21. Pisassiissutinit pigisat taakkuluunniit ilaat killilersuinerit, aalisarneq pillugu inatsimmi aalajangersarneqartut naapertorlugit tunniunneqarsinnaapput, piumasaqaatit ilaatigut ukuupput aalisarneq pillugu inatsimmi §§ 9 aamma 11 naapertorlugit pigisaqartup nunatsinnut attuumassuteqarnissaanut tunngasut, raajarniarnermi pisassiissutinit pigisat, januaarip aallaqqaataa 2025 tikillugu avataasiorluni sinerissallu qanittuani aalisartut avittarsimasaasa akornanni kaaviiaartitsineq, aalisarneq pillugu inatsimmi § 30, imm. 2 naapertorlugu, pisassat amerlanerpaaffissaat, aalisarneq pillugu inatsimmi § 32 naapertorlugu kiisalu immikkut ittumik piumasaqaatit aalisariumannittussarsiuussinnermut atatillugu pisassiissutinit pigisanut atassuteqartut, § 19, imm. 5 naapertorlugu.

Imm. 2. Pisassiissutinit pigisanik kaaviiaartitsineq Naalakkersuisut aalisariumannittussarsiuussinnermut nittartagaq pilersitaat aqqutigalugu pissaaq, aalisarnermut inatsimmi § 31 naapertorlugu.

§ 22. Pisassiissutinit pigisat nuunneqartut aalisarnermi pineqartumi ukiumut akuerisaasumik pisarineqarsinnaasut, TAC, ikinnerpaamik 0,001 procenterissavaat.

Imm. 2. Piumasaqaatit pisassiissutinit pigisanut attuumassutillit nuunneqarnerini ilanngullugit nuunneqassapput, tassunga ilanngullugit piffissaq pisassiissutinit piginniffusoq sinneruttoq pillugu piumasaqaat, taamaaliortoqassaarlu pisassiissutinit pigisanut atatillugu akuersissummut allamik allassimasoqanngippat.

Pinngitsaaliisummik tunniussineq

§ 23. Akuersisummik aalisarnek pillugu inatsimmi § 26, nr. 2 naapertorlugu arsaarinnittoqartillugu, tassunga ilanngullugu pisassiissutinit pigisat aalisartumut inunnulluunniit ataasiakkaanut aalisartup pigisaani pigisaqartunut attuumassutillit, pisassat amerlanerpaaffissaannik qaangiippata, aalisarnek pillugu inatsimmi § 32 naapertorlugu, aalisarnek pillugu inatsimmi § 77 oqaatigineqareersutut aalisartup pisassiissutinit pigisani taakkualuunniit ilai tunniutissavai.

Imm. 2. Naalakkersuisut aalisartok pisassiissutinit nammineq pigisaminut piginnittumilu pigisaannut uppersaammik nassiusseqqusinnaavaat, aalisarnek pillugu inatsimmi § 32, imm. 4 naapertorlugu.

Imm. 3. Aalisartup imm. 2 naapertorlugu peqquneqarnini naammassinngippagu Naalakkersuisut aalisartumut akuersisummik killiliisnaapput taassumangaluunniit atuinissaanut pisinnaatitaaffiarlugu, aalisarnek pillugu inatsimmi § 26 naapertorlugu.

Aalisariumannittussarsiuussineq

§ 24. Pigisat ukiumoortumullu pisassiissutit aalisartumut attuumassuteqanngitsut Naalakkersuisuniilli aalisarnek pillugu inatsimmi § 31, imm. 2 naapertorlugu pigineqalersut aamma pigisat aalisarnek pillugu inatsimmi § 40, imm. 3 imaluunniit § 41, imm. 2 naapertorlugu pinngitsaaliisummik tunniunneqartut piaartumik aalisariumannittussarsiuussisarnikkut Naalakkersuisunit neqeroortigineqassapput.

Imm. 2. Naalakkersuisut aalisariumannittussarsiuussinermi atatillugu peqataanissamut piumasaqaatinik aalajangersaasinnaapput, tassunga ilanngullugu neqeroorteqartussap ukiuinut, neqeroortussallu aalisariutaata angissusissaanut tunngasunik.

Imm. 3. Naalakkersuisut aalisariumannittussarsiuussinermi atatillugu pisassiissutinit pigisanik neqeroortigineqartunik atuinissamut piumasaqaatinik aalajangersaasinnaapput, tassunga ilanngullugit tulaassinissamut, aalisariummut atorineqartumut tunngatillugu teknikikkut atortorissarutitut, piumasaqaatit piffissami atuuffiannut nunallu immikkoortuini aalajangersimasuni aalisarsinnaanermut tunngasut.

Imm. 4. Naalakkersuisut neqeroortitsinermi pisassiissutinit pigisat tuniniarini killilersuutinit aalajangersaasinnaapput, piffissami aalajangersimasumi pisassiissutinit pigisat tuniniaqqusaannginnerinut inerteqqutit ilanngullugit.

§ 25. Naalakkersuisut aalisarnek pillugu inatsimmi § 41, imm. 2 naapertorlugu pisassiissutinit pigisanik pinngitsaaliisummik nuussippata, aalisartok 3.000 koruuninik akiligassinneqassaaq.

Kapitali 5

Atuisussaatitaaneq, pisassiissutit nuunneqarsinnaasut, il.il.

§ 26. Aalisartup ukiumut pisassinneqartup ukiumi pisassiissuteqarfusumi ukiumut pisassiissutit ikinnerpaamik 75 procentii aalisartussaataitaavai.

Imm. 2. Aalisartuq aalisartumut allamut ukiumut pisassiissutit 10 procentii angullugit nuussinnaataitaavai, taamaattorli imm. 3 naapertorlugu.

Imm. 3. Ukiumut pisassiissutit ukiumi pisassiiviusumi pissarsiarineqartut killiligaanngitsumik nuunneqarsinnaapput taamaallutillu ukiumut pisassiissutinik nuussinermut amerlanerpaaffissatut killiliussamut imm. 2-mi allassimasumut ilaanatik.

§ 27. Aalisartuq ukiumut pisassinneqartuq ukiumut pisassiissutinit 25 procentit nuussinnaavai.

Imm. 2. Ukiumut pisassiissutit § 26, imm. 2 aamma 3 naapertorlugit nuunneqartut pisassanit nikerartinneqarsinnaasunit nalimmassarneqartassapput.

Imm. 3. Aalisartup pisassanik nuussisinnaanermik periarfissap atornissaa sioqqullugu Aalisarnermut Piniarnermullu Naalakkersuisoqarfimmut allakkatigit tamanna nalunaarutigissavaa. Nalunaarummi nuunneqartussat amerlassusii allanneqassanngillat, nuussallugit kissaatigineqartutut.

Imm. 4. Aalisartuq ukiup tulliani pisassiissuteqarfusumi ukiumut pisassiissutinik siusinnerpaamik novembarip 15-ianni aalisalersinnaavoq.

-

§ 28. Aalisartuq kapitalimi uani malittarisassanik malinninngippat, Naalakkersuisut akuersissut killilersinnaavaat imaluunniit arsaarinnissutigalugu, aalisarnek pillugu inatsimmi § 26 naapertorlugu.

-

Kapitali 6

Pineqaatissiissutit

§ 29. § 23, imm. 1 aamma § 27, imm. 3 aamma 4, unioqqutinneqarpata

Kalaallit Nunaanni pinerluttulerinermik inatsimmi malittarisassat naapertorlugit akiliisitsinermik kinguneqarsinnaapput.

Imm. 2. Malittarisassanut, peqqussutinut il.il. § 23, imm. 2 aammalu § 24. imm. 3 aamma 4 naapertorlugit atuutilersinneqartunut

Kalaallit Nunaanni Pinerluttulerinermut inatsimmi malittarisassat naapertorlugit pineqaatissiissutinik aalajangersaasoqarsinnaavoq.

Imm. 3. Inatsisartut inatsisaat imaluunniit malittarisassat Inatsisartut inatsisaat tunngavigalugu aalajangersarneqartut

akileeqqusisummik aalajangersaanissamik tunngavissaqartitsippata, akileeqqusissut Kalaallit Nunaanni pinerluttulerinermi inatsimmi malittarisassat naapertorlugit pisussaataitaasoq pisinnaatitaasorlu akileeqqusisummik pisussaaffilerneqarsinnaavoq.

Imm. 4. Imm. 1-3 naapertorlugit suliat siullertut qullersamut Kalaallit Nunaanni Eqqartuussivimmut suliassanngortinneqassapput.

Imm. 5. Akiliisitsissutit imm. 1-3 naapertorlugit aalajangersarneqartut Nunatta Karsianut pisassanngortinneqassapput.

Kapitali 7

Atuutsilersitsineq

§ 30. Nalunaarut marsip aallaqqaataanit 2025-mi atuutilissaaq.

Namminersorlutik Oqartussat, ulloq 5. februaari 2025

Kim Kielsen (atsior.)

Aalisarnermut Piniarnermullu Naalakkersuisoq

/ Emanuel Rosing (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut